

淨土傳燈歸元鏡

上卷

智叅記

風陵文庫
文庫19
F 226
/



歸元鏡

光緒乙酉重訂
全函

智叅記

淨土傳燃燈元鏡序
近日賢智者參禪習教不暇念
佛愚拙者應名了事不信西方
將迦文苦口叮嚀幾成虛設五
濁難信豈不然歟心師悲之欲
使人人咸歸淨域無計可為復

淨土傳燈歸元鏡序

近日賢智者叅禪習教不暇念
佛愚拙者應名了事不信西方
將迦文苦口叮嚀幾成虛設五
濁難信豈不然歟心師悲之欲
使人人咸歸淨域無計可為筏

風陵
本

渡曰思蓮社中主張淨土者唯
廬山永明雲棲三大老其行願
精確而事實尤昭著人之耳目
爰是搜三祖本傳塔銘一生實
蹟敷為四十分偕諸伶人當場
搬演音樂問答出相露布俾三

祖公案一朝重新淨土法門燈
傳無盡嗟乎莊言玄旨幾成睡
夢久矣唯此熱鬧場中人競觀
聽因是觸目警心感入心肺從
此而茹齋戒殺從此而念佛往
生豈非火宅中一劑清涼藥哉

黃葉止啼莫此為妙異哉借列
人以傳真諦變瓦礫而作黃金
匪但遊戲闔浮實廼循善誘
雖然噫嘻可與悲心上智者道
難可與灑執未化者言也
壬辰孟春廣陵巖而和序

淨土傳燈歸元鏡序

從來佛法即世灑以世法具佛法
至理也通乎此者始知三界雲花
本無字法其中若親朋眷屬富貴
功名離合悲歡是非人我不啻一
場雜劇耳予是以宦味蕭然隨緣
遣日署寸多事每之作蒲團空觀

序
予將解組故人心融師以所構淨
土傳燈歸元鏡實錄稿乞予叙以
列篇首予閱之甚符予意抗俗尚
講經喜後佛會愚夫愚婦動輒干
人至詰其所得則茫無所知噫嘻
穢聚終日又何益於身心性命乎
今心師以悲濟之願構茲實錄俾

三祖一生實行載之於紙上者復
演之於當場音樂宣和情景昭著
與淨土之水鳥林木又何異哉使
人三觸于目警於心或發願往生
或專心念佛或戒殺茹齋或止惡
皈善較之於打鬧茫然者奚啻倍
蓰此真以如幻法門以設方便具

聞者當裂諸見網勿隨情認戲則
法之歸真同生蓮域庶不負作者
之本懷云爾

省維

庚寅菊月哉生朔日浙江右布政
關西孟良龍識



淨土傳燈歸元鏡上卷

目次

- 傳燈總敘分第一
- 方便歸元分第二
- 受囑傳燈分第三
- 諸天護法分第四
- 殿開神運分第五
- 羣賢結社分第六
- 真主驅魔分第七
- 訪賢自屈分第八

奉旨汰僧分第九

發願受囑分第十

夢驗吉祥分第十一

湖舟放生分第十二

公庭鞫認分第十三

賜斷聞音分第十四

仁賢臨難分第十五

恩沾蠲釋分第十六

割恩雲水分第十七

千里瞻風分第十八

指迷護法分第十九

拈闡灌露分第二十

開權顯實分第二十一

淨土傳燈歸元鏡下卷

目次

懲奸禮祖分第二十二

地獄魂遊分第二十三

還陽覓道分第二十四

道傳海外分第二十五

遺囑傳燈分第二十六

暗番接引分第二十七

逗機發愿分第二十八

七筆勾塵分第二十九

護法搜山分第三十

東昌發悟分第三十一

衣鉢還元分第三十二

病魔雙困分第三十三

庵主談經分第三十四

恩沾法雨分第三十五

請建朱橋分第三十六

潮神請旨分第三十七


竹窓垂範分第三十八

普濟幽魂分第三十九

頒囑西歸分第四十

彌陀接引分第四十一

同生安養分第四十二



歸元錄
目錄
三

方便歸元




皇圖鞏固
帝道遐昌

佛日增輝
法輪常轉







群賢結社



殿開神運



湖舟放生



受囑得燈

廬山勝境

割恩雲水



仁賢臨難



拈 闍 灌 露




拈 塔 護 法

懲祖
禮奸



地獄
魂遊




東昌發悟



運機發願







普濟幽魂



恩沾法雨

水陸



異方便淨土傳燈歸元鏡三祖實錄卷之上

古杭報國嗣法沙門智達拈頌

弟子德日閱錄

傳燈總敘分第一

末扮韋馱上

西江月吾乃韋馱天將神功感應三洲降魔勇健
 我為頭護法安僧領袖○淨土傳燈實錄蓮宗三
 祖因由重提公案示真修普願諸賢叅究今日道
 場演法係三位祖師實行聽咱總道者丙齊應介
 絳都春 人天普集把法音演暢西方弘願我佛垂
 慈權巧處極讚彌陀一卷遂爾傳燈蓮宗勝社首在
 廬山建修行捷徑兼收利鈍方便○喜得壽祖中興

永明弘道萬善莊嚴徧數百年來雲棲祖重整西方
文獻三祖因緣平生實行今日從頭演千生難遇莫
作等閑聞見。

釋迦文權開淨土

遠法師社建蓮宗

永明祖莊嚴萬善

蓮大師念佛弘通

我此傳燈記

當場演實義

見聞諸善人

切莫認爲戲

方便歸元分第二

四天王上。演勢畢。淨扮舍利弗。維扮十六尊
者。梵王。帝釋。天龍八部。四大菩薩同上。分唱。

點絳脣

法鼓頻敲。人天億兆。把靈山繞。旃檀烟裊。

花散處知多少。

祇樹巍巍。大法堂。五龍幡影徧飛揚。諸人克苦修

靈鷲。誰信靈山是歇場。自家非別。舍利弗是也。今

日我佛如來。登堂說法。尚未臨座。好一個道場也。

內問怎見得舍。這是舍衛國。祇樹給孤獨園。有大

比丘僧千二百五十人俱。皆是大阿羅漢。衆所知

識。長老舍利弗。自指介。就是老僧居首。東指介。你

看這壁廂座上。摩訶目犍連。神通廣大。摩訶迦葉

是金色頭陀。摩訶迦旃延。族出婆羅。議論無比。摩

訶拘絺羅。是吾母舅。答問非常。離婆多。持一心而

不倒亂。周利槃陀伽。誦半偈而反成真。還有一個

難陀終日放牛。也成了阿羅漢果。西指介你看那壁廂座上。阿難陀。是如來堂弟。誰似他多聞羅睺羅。是我佛親兒。誰知他密行。憍梵波提。有牛呵疾病。賓頭盧。用取鉢神通。迦留陀夷。容顏粗黑。一見驚人。薄拘羅。相貌端嚴。更多壽命。摩訶劫賓那。善知星宿。阿菟樓駄。天眼常明。如是等諸大弟子。併諸菩薩摩訶薩。那東班首為頭的。是文殊師利法王子。阿逸多菩薩。西班牙首為頭的。是乾陀訶提菩薩。常精進菩薩。轉身指介。那角頭。是釋提桓因等。

一班兒天主。這角頭。是無量諸天大眾俱。盡是享

福的凡夫。若說起我佛世尊。歷阿僧祇劫。修成三

十二相。相相莊嚴。捨千百億身。成就八十種好。種

種微妙。洵是天中之天。實乃聖中之聖。真好一個

大道場也。內插鼓介。舍白。呀。法鼓早鳴。我佛將臨座也。阿

難迦葉二位尊者。須率何候。我佛臨座者。阿難。迦葉隨下。

外扮世尊。韋陀。迦葉。阿難同上。世

中呂粉蝶兒 大事因緣止為一大事因緣。向今朝

一指破大千齊見。直指歸元。再休論誰根深。誰慧淺。

這的是無上的方便。渡狂波業海舟船。有日裡衆善

們。把蓮臺兒坐徧。

大道原無証。迷人苦要修。誰知向上事。只在脚跟頭。吾乃釋迦牟尼佛。便是今日大衆咸臨。都來聽法。我於此法。無得無說。無修無証。決非行住坐臥。亦非卜度思量。不在聞見覺知。又不是語默問答。正是鴛鴦繡出。憑君看。難把金針度與人。那上根利器。一聞此舉。撩起便行。那中下凡夫。怎生曉得。因此展轉躊躇。動我無緣悲念。適纔想起。一個大權巧異方便門。令一切衆生。橫出三界。不論老幼男女。貴賤賢愚。但得彼一心持名。管教他直登彼岸。這個方便。汝等知否。衆諸弟子不知。世從是西方。過十萬億佛土。有世界名爲極樂。其土有佛號阿彌陀。今現在說法。你須諦聽者。

泣顏回 極樂古今傳。十萬程途非遠。西方淨土。彌陀說法歸元。因緣非淺。果非常六八。弘深願。駕慈航。接引羣蒙。脫離了苦海無邊。

舍仰啓世尊。彼土何故。名爲極樂。世其國衆生。無有衆苦。但受諸樂。故名極樂。那極樂世界。七重欄楯。七重羅網。七重行樹。皆是四寶。周匝圍繞。還有那七寶池。八功德水。四邊堦道。金銀琉璃玻瓈合成。上有樓閣。亦以金銀琉璃瑱瑱。赤珠瑪瑙而嚴。

歸元錄 卷上 四
飾之衆讚介好勝景也。

〔上小樓〕早聞道周圍四寶廣無邊。七重重羅網樹莊嚴。不枉了名爲極樂。衆苦齊捐。七寶池香淺。八德水清漣。俺只見亮煌煌。俺只見亮煌煌。寶池中布得金沙徧。碧沉沉琉璃宮殿。斯瑯瑯寶珠聲。斯瑯瑯寶珠聲。間着黃金串。果然是景致賽諸天。

〔世〕還有池中蓮華。大如車輪。青色青光。黃色黃光。赤色赤光。白色白光。微妙香潔。功德莊嚴。

〔泣顏回〕無邊功德妙莊嚴。似車輪。偌大金蓮。青黃赤白。颺清風。微妙天然。我頻申悲勸。嘆無常迅速。歸家便蓮臺上。九品標名。証無生永斷煩冤。

舍利弗。彼佛國土。常作天樂。黃金爲地。晝夜六時。雨天曼陀羅花。還有那種種奇妙雜色之鳥。晝夜六時。出和雅音。演暢那菩提聖道。〔舍〕彼佛國土。旣無惡道。這班衆鳥。從何而至。〔世〕你不知是諸衆鳥。皆是阿彌陀佛。欲令法音宣流。變化所作。〔舍〕有這等妙事。〔世〕還有妙處。彼佛國土。微風吹動。那寶樹羅網。出微妙音。譬如百千種樂。同時俱作。聞是音者。自然皆生念佛念法念僧之心。〔舍〕呀。聞如來金口所宣。煞令人欽羨者。〔衆〕

黃龍滾犯 響泠泠天樂盈空。響泠泠天樂盈空。曼陀花飛來片片。約翩翩眾鳥飛翔。約翩翩眾鳥飛翔。一聲聲把菩提暢演。這都是法音宣流變化傳。聽如來妙旨人欽羨。可知他那些些水鳥花林。可知道那些些水鳥花林。都是俺一生能仁法眷。

〔世〕舍利弗。彼佛何故號阿彌陀。舍弟子不知。〔世〕你不知那阿彌陀佛。光明無量。照徹十方。壽命人民。阿僧祇劫。彼聲聞弟子。非是算數所知。那其中菩薩。多有一生補處。舍我想淨土。這等莊嚴。那薄福羣迷。怎生去得。如來有何方便。令苦海眾生。直登彼岸。〔世〕其中原有個權巧捷徑。久未說明。若有善男子。善女人。聞說阿彌陀佛。執持名號。若得一日。以至七日。一心不亂。即得往生。極樂國土。眾踴躍驚喜。介可喜。可喜。元來有這個大方便。忒煞妙也。撲燈蛾犯 恁惺惺。從此識根元。願個個虔誠。把佛念。一心心持名無間歇。熱不不猛。地把冤親斷。〔眾〕阿彌陀佛。〔世〕大衆。一心念佛。即得往生。這個法門。汝等知道了麼。〔眾〕都知道了。一塵塵如許大世界。直得個鬧挨挨齊上。般若船。樂陶陶西方妙境。咲呵呵向琉璃地上禮金仙。

〔世〕舍利弗。我見是利。故說此言。若有衆生。聞是說

者。應當發愿。生彼國土。如我今者。讚嘆阿彌陀佛。不可思議功德。還有那六方諸佛。出廣長舌。同聲讚嘆。所護念經。舍呀。如來說所護念經。弟子不知其義。敢求如來。一一開示。世舍利弗。若有善男子。善女人。或受持此經。或持名念佛。皆得不退轉於阿耨多羅三藐三菩提也。眾

上小樓犯

嘆持經果最圓。喜持名效最先。驀忽地洗了塵心。驀忽地洗了塵心。祛了塵凡。離了塵緣。一霎時高步金階。一霎時高步金階。高標名姓。高坐金蓮。也須知自性的彌陀須自念。

世舍利弗。汝等皆當信受我語。及諸佛所說。弟子等謹遵佛勅。依教奉行。

傳此淨土法門。把此一卷彌陀經。宣揚流布。廣度眾生。世你既有此大願。待功成行滿。那時往生樂土。彌陀自與你授記作佛便了。眾

叠字兒犯

叠叠叮嚀囑勸。切切彌陀悲願。滔滔的苦海深。層層的業債牽。鬧鬧喧喧輪迴了千遍。早早登安養歸船。時時禮古佛垂憐。逍遙遙西方古路。永永住無生國裡。証真詮。世

北尾

悲心說盡了悲心願。眾願世世流傳。普徧從

此西方路不遠。

舍弟子別了世尊。就此宣傳法化去也。**世**你少待。

還有一個。拔一切業障根本。得生淨土陀羅尼。

併傳授你去。**舍**弟子願樂欲聞**世合掌念介**

往生呪 曩謨阿彌哆婆夜。哆他伽哆夜。哆地夜他。

阿彌唎。都婆毘。阿彌唎哆。悉怛婆毘。阿彌唎哆。毘迦

蘭帝。阿彌唎哆。毘迦蘭哆。伽彌膩。伽伽那。枳多迦唎。

娑婆訶。舍曰。弟子願顯密雙持。一並闡揚便了。

舍大開方便喜非常。**世**直指羣迷覲樂邦。

舍但得諸人勤念佛。**世**不勞彈指到西方。

受囑傳燈分第三 生巾服上

臨江仙 衣中誰識珠無價。那堪流落天涯。經綸才

思。剪雲霞。百年春草露。富貴路傍花。

奢肆當年咲五侯。酣花醉錦。逞風流。如今聲勢歸

何處。孤塚斜陽。漫對愁。嗟我輩。且休休。世事渾如

水面漚。應須覓個歸元路。打破迷關。一筆勾。小生

賈某。雁門樓煩人也。雙親早逝。四壁蕭居。幼而好

學。且喜博綜六經。長任放懷。不覺沉酣。莊老。向隨

母舅。遊學洛陽。不覺蹉跎。年經弱冠。幾番要取功

名。爭奈時遭亂世。我想起來。功名雖好。不過一鑊

黃梁富貴雖榮。難躲幾堆白骨。正是生歿百年花
上露。才名千古路。傍燈。到不如早早修行。脫離生
歿。免三塗之苦報。超六道之輪迴。却不是好。咳。只
是接引無人。怎知進步呀。遠遠有一位禪師來也。

〔舍扮凡僧一侍者隨上〕

〔甘露飲〕美酒嘆闍浮一戲場。咲癡人成妄想。把蝸角
蠅頭晝夜忙。日日裡醉華堂。夜夜裡戀紅粧。只道是
百年無恙。怎曉得霎時身喪。俺呵。世事兒曉露春霜。
一旦無常呀。把一個好人身。沒在愛河波浪。

自家舍利弗。爲傳淨土法門。遍訪傳燈法器呀。

那室中是蓮宗首祖。曾受如來親囑。却被十月血
水浸得一靈兒忘了。不免上前剃度了他。就把念
佛法門教他流傳震旦。永遠傳燈。有何不可。上前
相見介。善男子。稽首了。遠老禪師何來。舍我來無
所來。遠莫非禪師有所去否。舍我亦無所去。遠呀。
禪師現有去來。安得說無來去。莫非戲謔弟子麼。
〔舍〕哇。這是我佛的玄宗。衆生的本體。識得他。大千
沙界。總一微塵。覷破了。百億須彌。渾如芥子。你那
世智凡心。焉能曉得。遠背語介。這禪師出言奇特。
迥異庸流。不免投他出家。有何不可。〔轉身介〕弟子

塵心已斷。渴欲修行。正愁接引無人。不料禪師偶
 遇。願求剃度。永繼門風。舍喜介。汝肯出家。此乃大
 丈夫之事。非將相所能。汝果發心。直超彼岸。我替
 你削髮披緇便了。作剃髮侍用。引磬舍念介。善哉
 大丈夫。能了世無常。棄俗趨泥洹。希有難思議。就
 與你取名慧遠。汝可合掌長跪。皈依三寶。遠跪介
 舍皈依佛。遠皈依佛。舍皈依法。遠皈依法。舍皈依
 僧。遠皈依僧。舍自今已後。稱佛為師。更不得皈依
 邪魔外道。遠是拜介。轉身拜舍

玉芙蓉

稽首法中王。皈命趨三藏。喜六通。僧寶非

常願貪嗔永斷無明喪處處興隆樹寶幢舍消魔障
 為伊家舉揚。願一心精進。指日到蓮邦。

舍善男子。既受三皈。須持五戒。此戒者乃成佛之
 要門。出塵之根本。遠弟子。謹當受教。跪介舍。往昔
 所造諸惡業。皆由無始貪嗔癡。從身語意之所生。
 一切汝今皆懺悔。善男子。盡形壽不殺生。汝能持
 否。遠能持。舍。盡形壽不偷盜。汝能持否。遠能持。舍
 盡形壽不邪淫。汝能持否。遠能持。舍。盡形壽不妄
 語。汝能持否。遠能持。舍。盡形壽不飲酒食肉。汝能
 持否。遠能持。拜介。同舉

前調 戒律迥超常。功德殊難量。修持者仗彼超方。是毘尼根本功無上。切莫睽違頃刻忘。合消魔障。為修持舉揚。願一心精進。指日到蓮邦。

舍善男子。汝雖出家。未知進步。我有彌陀經一卷。是如來極讚淨土的契經。直指眾生歸元的捷徑。不論貴賤賢愚。但念阿彌陀佛。若得一心不亂。當教七日成功。正是面見彼佛阿彌陀。即得往生安樂國。你聽俺道者。

前調 古佛寓西方。刹土各安養。為眾生接引垂光。蓮臺九品齊皈向。六八高超願力強。合消魔障。為修持舉揚。願一心精進。指日到蓮邦。

舍汝今將此念佛法門。建立法幢。廣布流傳。不可斷絕。他日成功。淨土相會。遠啓問我師。前路茫茫。不知弟子棲身何地。舍汝今暫依道安法師。後來因緣。在江西地面。就可前去。弗得遲疑。遠多謝吾師指示。

舍彌陀方便實中權 遠直指眾生上法船

舍若得持名心不亂 遠管教七日坐金蓮

諸天護法分第四

先虎演勢次猿演勢畢次扮六丁神將上巨斧開

山嶽丁神第一班自家六丁神將便是今日舍利
弗尊者法旨傳宣不知有何使令只得在此伺候
舍上

掛真兒

唯心淨土總非遙爭奈迷人不曉

衆六丁神叅見尊者今日傳召小神不知有何使
令舍俺也非為別事今有蓮宗首祖遠大師流傳
淨土法門向廬山勝地建立法幢尚無殿宇汝等
天將各運神力助成勝事功德不小衆謹領法旨
舍猿虎二將何在猿虎上舍指虎介大師一到汝
可接引過溪引到香爐峰下跑定基址不可有違

虎點首吼下指猿介汝可就山開路溪上疊橋栽

種樹木成就勝景不得悞旨猿應躍下舍衆等就
此前去各宜用心勿得遲延孤違護法衆應介

金錢花

全憑我佛威靈威靈傳宣護法丁神丁神

廬山勝地法筵新從此去顯真僧傳淨土利羣生

殿開神運分第五

遠公上

步逍遙

舊步

塵勞已謝離煩惱分外舒懷抱心中靜

悄悄

你看

山色溪光總成玄妙

內鳥

好鳥弄聲嬌分

明說法在枝頭叫

自別吾師法座食風宿水不覺又半載有餘呀好

一座山也。只見峰巒翠削，九疊凌空。林麓幽深，白雲繚繞，好個勝景。但不知何方地界。前面有一老者來了。動問他便是丑扮老樵夫上。

江兒水

結屋廬山下，可日採樵。

遠弟子稽首了。樵咲介你叫我

鷄子吃酒。有趣得緊。遠問你地面。樵還還有細麪。又醉又飽。多謝你。越發有趣。遠這等耳背。作高聲介問你。這個什麼地方。樵噴問我地方麼。遠正是樵。這是江西地面。廬山便是。是潯陽江左廬山道。你隨我峰回路轉，林深杳。這一條溪，常有老虎。溪清淺，連飛瀑。遠我要在此棲。此處棲身儘妙。只是猛虎難。若要幽棲，除是那伏虎禪師來到。以存息。

阿呀，不好了，那壁廂猛虎來也。虎上撲樵，樵慌跌

叫喊下。遠喝介這畜生，休得無禮。虎伏介。

柰柳涼

看猙獰相貌，看猙獰相貌。鐵額班毛，排山

震嶽都驚倒。

汝若肯皈依三寶，可點頭三下。虎點頭介遠。

把雄心盡拋。把

雄心盡拋，休得再咆哮。皈依我佛教。

我欲就此幽棲，不知去處。汝可

前行。指我勝境。虎行遠隨介。

見清流浩渺，見清流浩渺。且過石梁

橋。

遠作過橋。虎跳溪介。

林巒果然妙。

虎定基址介吼下。遠這虎跑地一方，哮吼而去。莫

非就是棲真之地呀。果然好片地勢，只是尚無殿宇。且是隨緣便了。天色已晚，不免在此松樹下。入定片時，再作區處。神將作造殿介下。遠驚起介呀。

分明一片平沙。如何有此大殿。此必我佛威靈。宣
勅護神造成。就名神運殿罷了。待我望空拜謝。則
個拜介。

前調 望靈山叩遙。望靈山叩遙。此功非小。神工一
夜把精藍造。見巍巍殿高。見巍巍殿高。屋勢聳青霄。
結構天然妙。好安心行道。好安心行道。結社種靈苗。
東林有人到。

偶遊勝地欲棲身

殿宇須臾一夜成

莫道修真無實驗

果然護法有神靈

羣賢結社分第六

丑 區中短鬚青直身 咲上

水底魚
爛麪頭。

踪跡孤浮叢林處處遊 有人道咱道咱是

自小生得伶俐。一生不作活計。專好盆裡朱窩。又
好嘴頭滋味。家私賭得精光。妻子忍氣而歿。擔輕
負重不能。逃入空門隊裡。全憑兩脚波波。到處打
哄騙嘴。不爲生歿修行。咲介無極所奈而已。自家
張三鬚便是。今日聞得衆人。往廬山結社。不免混
去隨喜飽食。他一日香齋。有何不可。前面來者。想
就是了。虛下老旦扮陶淵明上。不屑折此腰。甘心
棄五斗。高臥北窗下。自號羲皇叟。吾乃陶淵明便。

是因晉室衰微。怡情畎畝。近與東林遠公道士
陸修靜同爲方外之友。今日聞東林結社。羣賢畢
集。意欲去走一遭。只是沒有酒吃。奈何奈何也罷。
不免到陸道士處。暢飲一番。就邀他同去便了。虛
下外扮劉遺民。小生扮周續之。末扮宗炳上。劉擾
擾浮生盡逐塵。周誰能火宅急抽身。宗相逢盡道
修行去。合林下何曾見一人。相見介。宗動問老丈
高姓。劉老夫劉遺民便是。周小弟周續之。劉動問
足下。宗學生宗炳是也。二位老丈何往。劉近聞東
林遠法師。結蓮宗勝社。同修淨土法門。特去隨喜
宗學生也。正欲去入會。眾咲介。正是風前一咲皆
知己。都是蓮宗會裡人。鬚圓揖咲介。眾位莫非往
東林去的麼。劉正是。鬚小子等候多時了。挈帶挈
帶眾佛門廣大。同往便了。行行去去。去去行行。轉
過流水溪橋。便是東林勝地。此間已是山門了。老
旦扮知客師上。相見介。眾位居士何來。眾聞大師
結蓮宗勝會。闡揚念佛法門。特求入社。同志修持
知客如此。同到方丈。相見大師便了。虛下。遠上
西地錦 自從一得歸元信。慈悲說法東林。隨緣方
便利羣生。是法從來平等。

瀑布來青嶂。孤峰臥白雲。清閑無一事。獨坐掩柴門。今喜早食已畢。正好靜坐片時。知進稟有衆居士參見。三人進參拜。劉弟子衆等。自違真性。久後塵勞。幸逗一隙之光。望乞慈悲拯濟。遠三界無安。猶如牢獄。六根造業。織就輪迴。若能一念回光。即便高超淨域。衆啓問大師。淨土法門有何殊勝功德。遠那西方殊勝。不可思議。你聽俺道者。

新水令

古今賢聖讚西方。妙莊嚴都在彌陀經上。

阿彌陀古佛。是無量壽大醫王。接引慈航。接引慈航。度衆生齊皈安養。

劉啓問大師。西方何故。名爲極樂。遠其國衆生。無有衆苦。但受諸樂。故名極樂。那極樂世界呵。

北駐馬廳

功德非常。網樹重重。七寶裝池。開寶鏡。

金沙閃爍透波光

衆聞說西方。有九品蓮華。可是真否。遠

可知道蓮開

赤白間青黃。曼陀花粧點多無量。那阿彌陀佛呵接衆生返

故鄉。衆善成行。端坐在金蓮臺上。

衆合掌念佛介。遠你不知西方。還有白鶴孔雀。演

暢法音。風吹林木。皆成妙樂。衆讚有這等勝事。真

可愛樂也。衆

鴈兒落

可樂他雜色鳥。徧飛翔。可樂他演法音聲。

嘹亮。可樂他七菩提盡演揚。可樂他八聖道都提唱。
 呀。更可樂微風吹樹響。琳琅更可樂百千種樂聲相。
 像。肯皈依。一念絕無常。斷無明。從此消魔障。思量怎
 能覈親到蓮華藏。西方念何時覲法王。念何時覲法
 王。

衆弟子衆等。自憐無始業深。無法脫離生歿。不知
 大師。有何方便。令我等直至西方。免受輪迴之苦。
 遠那經中說。若有善男子善女人。聞說阿彌陀佛。
 執持名號。一心不亂。即得往生極樂國土。聚驚喜
 介。可喜。可喜。原來有這個大方便也。

取江南。早知道有如此方便呵。何不去早修行。自
 從今一心發願往西方。把彌陀舉揚。念念兒不忘。一
 心不亂。即還鄉。衆拜介

甘露飲。嘆輪迴苦未央。幸我佛接慈航。把淨土莊
 嚴細講詳。度羣迷出火坑。五濁內好恓惶。痛三塗悲
 涼難狀。願個個都歸安養。端坐在蓮華臺上。俺呵因
 此上為衆悲傷。極口宣揚。呀怎能覈把閻浮。化成華
 藏。

遠。今有一卷阿彌陀經。是往生淨土的根本。今授
 汝等。若能行持。決不相賺。衆謹遵慈誨。遠

清江引 契經功德真無量。勝福皆回向。普願念佛人。時刻休輕放。歸去來。見彌陀。親供養。

下遠吊塲。小旦扮陸道士同陶上。陶為尋蓮社約。陸忘却路崎嶇。來得湊巧。正值大師在此松下。相見揖介。遠蓮社已散。二位來何遲也。陸為邀弟子。故來遲耳。陶勝社既散。就此告辭。遠二位纔來。怎麼就要去了。陶乘興而來。興盡而返。遠既然如此。也須相送一程。陸今日一釋一道一儒。三教鼎立。豈可無一佳句。以紀勝事。陶共聯詩一首。何如。遠就是陶先生聯起。陶佔了。儒門釋派道家流。相契忘機物外遊。遠共帶不須呈伎倆。同根何必互戈矛。陸三分岐路干蹊別。全體清虛萬境收。陶今日分明都註破。遠好將名相一齊休。陶陸妙。大師末後句。把三教聖人都收拾在布袋內了。陸奇特奇特。大師平日送客。不過溪。怎麼今日過却橋也。遠果然走過橋了。這是相契忘機。不覺足之所至。三人大笑介。陸可稱虎溪三笑。就此告別。遠恕不再送。虎溪三笑後。陶陸千載播高風。下鬚上向鬼門多謝了。腹中已飽。不免去聽聽佛法。阿呀。剛剛尋得一食齋吃。怎麼人都散了。佛法一些不聞。且自

由他罷了。

佛法由他說

香齋我自食

西方無路到

依舊黑漫漫

真主驅魔分第七

淨紅面束髮冠甲冑上無始從前已結緣。威音那
畔我爲先。有人撥動咱威力。燒徧三千及大千。自
家非別無明火部。嗔心魔王便是。丑花面包巾上
三塗惡報我爲頭。利己傷人不自由。儘力馳求心
不厭。得休休處不甘休。自家非別無厭大王貪心
魔君便是。巨扮癡魔上六道輪回我造成。生生歿

歿不離身。常將一絡癡繩子。縛盡娑婆世界人。吾
乃愛慾三娘癡心魔女。便是副淨黑面睡魔上。夢
想場中不暫離。諸人遇俺便昏迷。陳搏一忽千年
去。都是吾神一力爲。吾乃睡魔神是也。貪嗔癡三
位魔王請了。衆請了。睡今日不期而遇。好個勝會
也。常欲請教三位本事。未得其便。今乃天賜奇逢。
試將威力請教一番。有何不可。衆就請睡魔道起。
睡還是貪將軍居首。貪佔了。說起咱們手段。直教
世界橫心。色慾隊裡藏身。名利場中走動。挑唆得
五臟晝夜不寧。哄誘得六根隨方奔走。人君遇俺。

管教他社稷都傾。臣宰逢吾直使彼聲名盡喪。良民做了不良之輩。節女做了失節之人。父子因俺不和。朋友教他斷義。部下統領着三百六十行。盜賊兒郎橫行世界。徧歷多生。衆好本事也。該喚將軍道了。喚俺與妙明本主。同出山林。却被一陣黑風將他拋撇。雄威一逞。燒翻了六慾諸天。氣焰橫行。鑄就了十八層地獄。逢財發火。遇色爭鋒。官司隊裡我爲尊。戰陣場中吾作首。一言衝撞。那管他恩愛夫妻。半句不投。也不論天倫父子。正是投河奔井盡因吾。服毒懸梁都屬咱。統領着八萬四千煩惱。嘍囉好威風也。衆果然好本事。如今請教癡魔了。癡無始空花結體。隨方幻相爲根。虛無執着認爲真。愛慾場中立命。勾攝大千世界。包羅六位精魂。自纏自縛。自燒身都是俺癡繩網定。部下統領着百萬迷魂淫女。混擾衆生。誰人跳得出我這圈子。貪果然利害。到不識你有這般手段。睡魔作瞌睡介。嗔喝介。你這人忒也好咲。青天白日。這等好睡。睡作驚介。正是正是。該我道了。白日潛形匿影。黑夜大展威權。由他豪傑與英賢。遇俺閉眸合眼。秀士拋書倦讀。山僧懶去參禪。嬌娥困得翠雲

偏常與醉人兒作伴。部下統領百千萬億睡魔虫兒。撒向人間好生弄得那世間人昏昏迷迷顛顛倒倒。衆果然好利害。虫兒嗔如今閑話休提。只說俺們貪嗔癡睡四大魔王與人頃刻不離。怎奈遠公大師無故將俺們逐出。教俺們何處安身立命。今日值衆弟兄聚會。不免哀告大師求他收留。有何不可。衆俺們正欲如此。就可前去。嗔且慢。恐有伽藍神擋路。須各持兵器纔是。衆說得有理。嗔持刀貪持棒。睡持鎚。癡持繩子。

豹子令

追風掣電疾如梭。疾如梭。被逐離巢沒奈何。

何沒奈何若得大師心意肯收留依舊復還窠。呵呵。只恐社回請上覆。

貪來此已是山門了。內有彌勒佛爺。那個布袋兒利害。難以進去。不免乘空而入。衆作入介。末扮招寶神秉劍持錠上。來者何神。擅入此地。衆喜等乃貪嗔癡睡。特來尋覓大師。招元來是夥劫賊。衆哇。休得無禮。共戰介。貪奪錠。招敗下。小生扮華光上。吾乃護法華光。在此汝等毛賊。休得無禮。共戰介。癡繩套去華兵器。華下。衆喜得護法神。被俺們戰退。不免尋大師去也。虛下。遠上。心中有佛將心念。

念得心空佛也忘。經行已久。少坐片時。則個眾急上。大師稽首了。遠汝等是誰。因何到此。眾我等乃貪嗔癡睡。四位親丁。曠劫已來。承侍大師。不離左右。今日無故。將咱們逐出。沒處棲身。望大師慈悲。收留則個。遠元來是夥劫賊。我在此修行。貪嗔已斷。癡睡全消。杳沒你存身之所。汝等速退。休得相纏。

駐馬廳

地獄因由。為汝牽纏。我苦不休。識得你本

來面目。從今虛妄。一筆都勾。眾望大師慈悲。你癡心

休想再收留。我純清絕點。全無垢。克苦清修。草衣木食。不被你多般哄誘。眾

前調

苦苦哀求。望乞慈悲。納眾倚。自與你周旋六

道。不離頃刻。多少綢繆。如今一旦撇荒丘。恩情此際難分首。沒地奔投。望師咲納。休得憐新棄舊。

遠你們知罪麼。我與釋迦老子。同為凡夫。他今成佛多時。我尚沉于苦海。皆是你這班業障。哄誘如今。識透機關。決不相容。休得再犯。貪大師。你看這高邊白鏹。何等可愛。我為他忍心害理。百計千方。謀筭將來。你今把我貪魔撇了。將利名擔兒。就要一朝歇下。清風高節。終日閑坐。有何好處。嗔大師。

自古道人爭氣。火爭烟。我替你撐架子。打甲家。奪門頭。撞太歲。都是俺的威風。你今撇了我。嗔魔。閑事也不管了。餓氣也不爭了。哈哈悵悵。和氣一團。被人喚作沒用的阿鼓。成何體面。已後大師。再不要聽那釋迦。石頭兒。哄騙。癡大師。從來你貪我色。我戀汝情。恩恩愛愛。逞盡風流。那英雄豪傑。也不知被俺斷送了多少。你今撇了我。癡魔。却不長夜。青燈。孤幃。獨宿。你到得了便宜。只是難爲我了。叫我這條癡繩。這把利斧。那里去使。睡大師。你知道閻浮世界。是一夢場。如今富貴功名。親朋眷屬。都是一場春夢。你今把我睡魔。撇下。却不夢醒了。衆人皆睡。你獨醒。却也沒趣。遠。你今怎生哄得我動。速速快走。衆大師不肯容留。俺們也顧不得大師。各要復回本位也。衆欲攢入。混擾介。遠喝介。

撲燈蛾 休得太相侵。休得太相侵。我本來已清淨。得此修行訣。從今打破機關也。再休思親近。無端強賊忒欺人。管教你喪身失命。須皈正。若能改過。卽成真。

戒定慧三真何在。內扮三菩薩。各披袈裟。一執劍。一持珠。一持鏡。將魔逐散下。遠喜得衆魔已散。身。

心清淨。好生自在逍遙也。但是念佛法門。尚無傳
燈法器。且自消停。覓訪便了。

衆魔已散最逍遙

只爲羣生念慮勞

若得英賢弘淨土

人人念佛出波濤

訪賢自屈分第八

外扮桓立諸將隨上

鵲橋仙

浩氣干霄。雄威震主。圖成不朽勲名。身居
台鼎已非輕。又忝三軍司命。

社稷靴尖上。君臣掌握間。咲他天子貴。不及我威
權。下官桓立是也。權操都閫。位列台衡。已司將相
之權。實兼殺活之柄。目下奉旨討殷仲堪。兵過潯
陽。聞得廬山遠公。身修梵行。胸蘊經綸。雖是出塵

之人。實乃棟樑之器。昨已差官入山迎請。借箸前
籌。怎還不見到來。雜扮差官上。夜靜水寒魚不餌。
滿船空載月明歸。差官叩頭。小官已到廬山。遠大
師多拜上老翁。有書呈上。看書介。元來一首詩偈。
久隔塵囂絕世緣。老僧無力只貪眠。白雲乍可來
青嶂。明月難教下碧天。分明叫我進山相見。到是
我差矣。古人訪賢禮宐自屈。怎麼反教他出山見
我。諸將暫退。衆應退介。承直的與我換了公服。就
此起馬進山。

一江風 馬行遲。拂拂風吹袂。一帶山籠翠。謾徘徊。翹首烟林。漸入雲深處。雄心不自持。雄心不自持。殷勤訪聖師。誰知吾儂請茅廬事。

承直稟翁東林已到。老旦扮知客師接見揖介。桓大師何在。特來拜訪。知大師在山頂茅庵。註涅槃疏義。若要相見。待告過茶。同上山就是。桓也罷。正是留雲酣遠客。煮月吸山泉。虛下遠上。心月孤圓。朗太虛。一龕山頂伴雲居。精修淨業蓮花漏。剩得餘功註梵書。老僧卓庵山頂。謝絕人緣。昨蒙桓大人相邀。已曾謝覆。今註述稍暇。少坐片時。桓搥衣。

知隨上登山介

懶畫眉

危坡踏盡氣全消。四顧巉巖萬岫朝。

好一派山

勢知大人。這是香爐峯。這五老峯。那是瀑布泉。桓那堪瀑布響如濤。松篁萬疊烟雲繞。洵是廬山萬丈高。

知踏盡危坡。此間已是。知通報桓進相見介。久仰清風殊深渴想。幸瞻光霽。大慰夙懷。遠山野庸僧。敢勞垂顧。大人燮理朝綱。爲何到此。桓下官奉旨。征討殷仲堪。久慕大名。端此謁訪。

桂枝香

逆臣踔跳。出師征討。聞師大德弘才。端此入山訪道。望吾師勿吝。望吾師勿吝。立謀大教。助揚

廊廟還求大師出山佐皇朝管取身榮貴勲名萬古

標遠

前調

山僧野老遺情世表為憐三界空花因此上

居山學道謝君家見邀謝君家見邀我甘心潦倒況

病軀難療三界無安猶如火宅百年瞬息酷似最道

遙我夢魂已付梅花月肯向金門戀紫袍桓

前調

聞師玄要頓開心竅佛法必有妙處可佛法

雖尚清修在世不離忠孝用心機枉勞用心機枉勞

一場好咲勸大回頭及早下官已領吾師深旨為圖

如肯徒勞男兒不遂掀天志霸業雄心未肯消

下官就此告辭還有一事相聞朝廷為僧行汗濫

欲沙汰眾僧下官已將寶山保奏蒙旨批出廬山

道德所居不在搜檢之列恭喜無虞不勞掛念遠

多謝護法了

遠

勸君解脫早回心

極

多感吾師指深

大抵浮生都是夢

個中難覓是知音

奉旨汰僧分第九

丑扮照磨官左右隨上

字字雙

讀書滿望要成名高興黜退衣襟事不成

怨命異途博得個小前程沒印衙門雖設冷如冰守

困

自家姓吳名圖南康府照磨是也自幼僥倖貴門。指望支撐門戶。誰想隨羣結黨。縱性施威。朝夕欺壓良民。出入把持官府。紮詐火囤。包攬官司。滅理欺心。無所不做。因此被宗師黜退。轉身進京。就投吏部。當該三年。摸得個照磨。雖然喜有衙門。却是沒賺錢處。近日部中抄出奉旨沙汰衆僧。要經義明徹。戒行精嚴。方可弘化。餘皆還俗當差。昨日行文到府堂。尊委我清查。喜咲介好造化也。一生發迹。全在此舉。昨日出票叫僧綱司。怎還未到。小生扮僧官上。吳夫人請了。吳惱介你是僧官麼。小生是吳。你既是僧官。須知禮體。我奉旨汰僧堂尊委我官小權大。你見我大模大樣。官府尚不在你眼皮兒上。那外邊和尚。不知你紮詐了多少。明日造冊。就把你頭名汰起。僧附耳言介吳爺不要發惱。有薄禮獻上。細茶五十觔。白銀壹百兩。吳咲介我道你是個知禮的趣人兒也罷。收了。取各寺冊簿上來查勘。吳看介我聞得南康四百八十寺。多少樓臺烟雨中。怎麼只得七十二寺。僧吳爺差了。不是南康。是南朝四百八十寺。這是古詩。吳譚介我要蹉他四百個寺。元來一字也混不得。這寺中都

是什麼僧。僧俱是應教僧。吳那應教僧。是葷酒之徒。光頭百姓。有甚戒行。僧近來都持齋念佛。戒殺放生了。吳這是你替他遮蓋。都要還俗當差。本寺產業。入官克餉。僧又附耳介。每寺歛銀三十兩。奉上。吳搖頭不穀。僧再加二十兩。望吳爺一應周全。吳還虧我做官清廉。撞着別人地皮都掘光了。還有一說。速速將外邊庵堂小院。一應遊方募化。老年殘疾等僧。都要火速赴府查驗。僧都在衙門首伺候久了。吳你去罷。僧從今安枕睡。無事到公庭。下爭扮遊方僧。副淨扮募化僧。老旦扮年老僧。末

扮跛僧。上。喝門介。眾僧進。眾僧叩頭。吳都在一邊聽點。問遊介。你是什麼僧。遊是遊方僧。吳掛搭何寺。遊東門外破落院。吳有何本事。遊自小不習經懺。坐禪却也不慣。只會十字街頭。粧十八尊羅漢。吳你且粧一個。與我老爺試看。遊寫直。粧降龍伏虎。二勢口念二偈。眾和佛介。吳一剗亂柴。煽惑男女。蓄髮當差。趕出去。遊下。吳問募介。你是什麼僧。募是募化僧。吳有何本事。募只爲當初債逼。因此逃入空門。不知念佛與看經。全憑口嘴度命。殿主時時請我。領他抄化沿門。焦行隊裡我爲尊。

丟鈸說書高興。吳怎麼一個化法。也要當堂勘驗。
 募夥計們把菩薩擡進來。內扮神亭擡上。募把鼓
 鈸敲起來。眾敲鼓鈸介。募念介。古佛莊嚴妙善身。
 香山昔日去修行。至今端坐潮音洞。雪白鸚哥紫
 竹林。眾和觀音聖尊。又敲鼓鈸介。募南海如今殿
 未成。菩薩親自到門庭。若有檀那心喜捨。災難消
 除福壽增。眾如前敲鈸。眾和介。募出。緣簿化介。南
 海普陀山。啓建大殿。缺少錢糧。扯住吳介老爺。請
 上尊名。隨緣樂助。吳作驚怕躲介。左右白介。老爺
 不要驚慌。也試寅一個化法。與老爺看。吳我見了
 這個化簿。十分害怕。果然利害。可惡。可惡。哄誘人
 家男女。蓄髮當差。赶出去。募下你這二僧。有何本
 事。老

黃鶯兒

從未到叢林。只單丁過一生。結緣念載在

南康郡

吳你結什麼緣。老爺。我一生捨茶。到今日呵。霜華鬢侵。腰酸背疼。

耳聾眼暗身多病

合告仁人慈悲憐愍。赦我過殘生。

前腔

疾總是父娘形。恨前生業障深。身軀足跛多薄

命

吳為何落髮。疾咳。老爺。我沒奈何。空門度生。吳曉得念。經麼。疾。何曾念經。

隨緣度日家如磬

合告仁人慈悲憐愍。赦我過殘生。

吳怒拍案介

歸元鏡 卷上
貓兒墜 吾今奉旨沙汰衆多僧。王法森嚴不順情。
衆哭介望老 汝今休得望超生。須聽准備着歸家蓄
爺超生吳 髮爲民。

衆求介 望爺爺可憐。筆下超生。吳左右趕出去。衆
哭介 呵呀。爺爺。

公庭懇乞發慈悲 吳斷送多僧一筆揮

衆 當權正好行方便 吳惟我平生不肯爲 吳下

二僧吊場哭叫龍天介 老 我想起來。若還蓄髮。衣
食何來。年老氣衰。終歸餓死。到不如先投水休疾。
老師。莫要性急。我聞廬山。不在搜檢之列。何不去
投入蓮宗勝社。一心念佛。求生西方。豈不是好。老

喜合掌介 阿彌陀佛。元來有這個去處。我聞此言。
愁心頓解。幾時去。疾事不宜遲。就此同去。老若無
漁父引疾。怎得見波濤下。

發願受囑分第十 遠大師白鬚眉拄杖上

山坡羊 急忙忙浮生如電。痛煞煞輪迴千遍。浪滔
滔苦海無邊。一心心誰肯把彌陀念。最堪憐。無端愛
慾牽。無常一到。只恐風箏斷。四大分離衆業纏。那時
冤愆。泥犁苦萬千。大哭介衆生衆生。那西方
慈母。日夜望你歸家。他懸懸極
樂慈尊眼望穿。

歸元錄 卷一
咳。只爲衆生因迷受苦。不覺動我無緣之悲。我社
中念佛諸人。大半歸西謝世。你道我因何不去也。
只等個傳燈的法器。把此念佛法門。付囑於他。那
時我願方遂也。老疾二僧上

前調

脚波波。皈心若箭。喜孜孜。來投禪院。一程程

水遠山遙。氣吁吁。走得我殘軀顫。轉憂煎。怕他們不
見憐。此行得遂。皈投願。薄命重生。感上天。疾老師。我見此法僧
之苦。他年願作人王護法堅。老師見。我只是。心西蓮
願萬行莊嚴淨土緣。念佛。求生西方。罷了。

來此已是東林了。不免進去參見。參拜叫苦介。遠
看你二人。殘疾衰年。理宜靜守。惶惶到此。却爲何

來。衆咳。大師一言難盡。老

啄木兒

我年衰邁。疾我疾病纏。自恨前生業障牽。

驀朝廷沙汰多僧。却教我蓄髮歸田。

我等殘疾衰年。終歸餓死。颯

慼一命懸如線。遑遑到此投禪院。望乞容留結勝緣。

前腔

遠聞伊道宿世冤。逆境相遭豈偶然。我此門中

念佛。若得念念無間。即便往生。還有一大事。因緣。度生弘化。若能毅精進脩持。管教你穩坐金蓮。
把個淨土門風作渡船。

老弟子聞師深誨。情願耑修淨業。萬善莊嚴廣度

羣生同登極樂。遠善哉善哉。汝發此心。頓超四果。

簇玉林

吾心慰。

爾

誓願堅。結無生萬善緣。

這卷彌陀經可

是如來苦口頻申勸。

那西方大聖阿

慈悲接引心無倦。

粉身碎骨

佛恩難報。五濁難信。誰肯願恩。老弟子蒙師救拔。誓當累世不負師恩。

報恩艱。他生累

劫。永不負師言。

遠善哉善哉。非汝久熏淨業。不能發此弘願。汝今

年老不能行道。可別換房兒。待脩持堅固。結果在

吳越之界。那時大轉法輪。功成行滿。與汝淨土相

會也。切記吾囑。老弟子謹領。遠問疾介。汝何所愿。

疾。弟子見此汰僧之苦。願為國王。護持佛法。遠汝

愿如此。結果亦在五代之後。作一邊海國王。就與

你師兄護法。棄位出家。同生淨土便了。疾多謝吾

師授記。遠吾年八十。形與運頹。一向佛法無人。故

爾遷延浮世。今既有托。明日吾西歸去也。眾大師

何出此言。遠

尾聲

形神頹老難支遣。幻迹虛生八十年。從此逍

遙證涅槃。

八十年來瞬息過

一期方便度娑婆

眾

仁師大德恩難報

救拔吾儕出網羅

夢驗佳祥分第十一

外扮吳越錢王領眾上

小重山

提封半壁控三吳。挹勝湖山。鼎建名都。元

元百萬壯雄圖。有日須教。旺氣歸吾。

浩氣英風壯斗牛。爭王逐霸未甘休。提兵一定江

東亂。虎踞東南四十州。自家吳越錢王便是。出身

草莽。際會風雲。感上天顧命之恩。作半壁安民之

主。目今建都杭郡。築殿吳山。左江右湖。不減上游

天府。龍飛鳳舞。真是禮樂名邦。富饒中國。雄甲一

方。且喜雨順風調。民康物阜。笑介也不愧男兒氣

槩。昨夜三更得一奇夢。夢一金甲神人。口稱有肉

身菩薩。將來化導此方。汝宜護法。永矢弗諼。將手

中寶杵。望吾一指。不覺醒來。方知一夢。未知吉凶

若何。好生放心不下。不免宣占夢官到來。占驗吉

凶。有何不可。傳旨宣占夢官。傳介未扮占夢官上

舉世皆成夢。誰為大覺人。占夢官見駕。願吾王千

歲錢。寡人夜來得一奇夢。未知凶吉。若何。特此宣

卿占驗。

泣顏回。寡人呵繡榻。睡初濃。忽無端一夢難窮。占殿

見此甚。見依倚天將現金身。甲冑乘空。占他口中

他言詞雄勇。他道不日有一肉身菩薩。化導此方。意

驚惶醒却。方知夢望。卿家仔細推詳。免教我禍福朦

占以臣愚見此乃韋馱菩薩現身入夢

五供養

韋馱感貢異吾王造福施功若依臣鄙見

聖壽享無窮

錢卿有何高見占臣仰觀天象見列宿拱南必有聖僧代佛宣化殿下可於三寶處盡情護法庶幾福國佑民皇猷丕振豈不美哉願王勿恐兆分明有吉無

凶封疆應有福靈異自天鍾急降覃恩勿違佳夢

錢元來如此

川撥棹

疑何用頓令人喜氣濃占感神僧千古難

逢感神僧千古難逢弘輔佐無為化功喜封疆自此隆願清平熄戰鋒

錢論內外臣僚凡一應三寶情分悉宜恭敬護

法錢占

尾聲

慈恩普徧雍熙共永樂唐虞聖寵願此山河

成一統

錢

天神入夢太權奇

占物外鍾靈兆更微

祐福昭昭元不爽占細推不必更驚疑

湖舟放生分第十二

小生儒巾扮王稅司上

掛真兒

長夜茫茫何日曉那堪役役塵勞須信人

生雙丸如駛莫待閻君符到

忙忙烏兔疾如梭百歲光陰有幾何甚日得酬方

歸元錄 卷一
外志。一龕明月伴烟蘿。小生王其。別號冲玄。餘杭人也。椿萱早逝。祖業凋零。止存兄妹二人。寄寓杭州勝地。昔日曾爲華亭鎮將。目今權管江漲稅司。雖然稅務煩勞。且喜身家安樂。咳。只是我志尚清修。心甘淡泊。止有好生一念。未嘗暫撤。故凡遇魚蝦。必然買放。所恨家無餘蓄。常用官錢。雖知國法無情。且自由他罷了。今日喜得春光明媚。意欲西湖放生。聞得妹子要同去。隨喜。早晨已差人僱船買生。怎還不見到來。老旦扮老院子上。一心忙似箭。兩脚走如飛。稟命船已僱下。生已買完。請爺上船。承接小姐出來。院小姐有請。旦上

意難忘

香藹熏籠。嘆東風料峭。寒氣猶濃。夢醒春欲曉。嬌鳥怨啼紅。

相見介妹哥哥萬福。承妹子少禮。今日湖中放生。聞妹子要同去。隨喜。船已僱下。可就此同去。妹既然如此。待小妹暫時收拾。同去便了。香奩寶匣重添艷。承疊嶂重湖暫一遊。下丑扮舟人上。

山歌

山外青山樓外樓。西湖歌舞幾時休。暖風熏

得遊人醉。直把杭州作汴州。

自家西湖舟人是也。湖名西子。船號浮園。若說起

船中器皿色色精奇更可羨湖上風光般般艷麗
 有的是圍碁象碁隨心消遣更有那牙牌雙陸任
 意抒懷樽前賽色呼盧酒後投壺擲箭百花前繡
 簾高捲再場下彩鷁斜行六條橋上馬如飛十錦
 塘中人似蟻笙歌聒耳夕陽鶻鼓幾船歸羅綺盈
 眸馥馥樽前人似玉說不盡湖山媚景尋不了桃
 李陽春正是一派湖光明鏡裡四圍山色畫圖中
 今日稅司王爺湖中放生早已把船僱下只得在
 此伺候永妹院梅香同上行介

翠也錦當

買舟問水過湖濱柳綠桃紅處處春

舟人邀客喚聲頻錯認作尋芳拾翠人

〔船家〕船在這裡候久了請爺上船作上船介永院
 子烹茶來吃院應下永稍子開船去罷稍子作開
 船介畢竟西湖三月中風光不與四時同侵衣楊
 柳千條綠映面桃花朶朶紅

〔錦堂月〕 瀲灩湖光千層翠繞四圍山色尤妙一帶

垂楊嫩綠滿堤春艸最堪憐千古江山閱盡了幾多
 年少合人易老須及早回頭莫待漏曉永

〔前調〕 堪咲醉寵酣嬌名羈利擾到頭有日冰消妹

哥。你看。

山色湖光對景且抒懷抱。

水咳。妹子。你

只圖歡

眼底風光怎知道無常暗耗。

人易老。須及早回頭

莫待漏曉。

〔永〕到什麼所在了。〔院〕已到永明寺了。〔永〕此處正好

放生。把生盡行放去。〔永〕提籠。〔淨〕挑魚担上。〔介〕王

爺買生放。〔院〕生已買足。俺這裡不用了。〔永〕起介。呀。

既有生來。眾生之命。豈可不救。是什麼生物。〔末〕我

這一籠。是上好的畫眉黃頭兒。〔淨〕我這一頭。是白

蛤蜊。一頭是金鯉魚。〔永〕要多少銀子。〔末〕我鳥要紋

銀五兩。〔淨〕我這一担。要紋銀四兩。〔永〕明日都到稅

課司來取便了。二人應下。〔院〕稍作放鳥介。

〔僥僥令〕開籠翔野鳥。放魚介。涸轍轉波濤。飛者飛騰

躍者躍。展雲翎上九霄。入深淵脫網迹。

結尾。悲心始遂開顏咲。魚躍鳶飛脫禍苗。願從此

昇天須及早。

〔永〕妹子。我上崖訪一禪師就回。把船停泊在此。仙

舟臨古剎。信步訪賢僧。下稍子。爺吃茶。我們要壺

酒呷呷。〔院〕船中無酒。與你酒肆中吃一壺去罷。同

虛下。妹吊場。副淨扮公子上。

風馬兒。惱人春色太無聊。難遣悶人懷抱。

小子趙公子便是讀書湖上。今日先生回去。倦讀無聊。因此湖隄閑步。望介呀。那舟中分明是個女子。艷粧素服。美麗無雙。獨坐凭欄。如有所約。作樂咲介。小子何緣得此奇遇。且喜舟中並無一人。不免跳上船去。看他如何。跳船介。妹驚慌背立介。梅罵介。妹雖是舟中。各有內外。無故跳上孤舟。好生不達禮體。趙揖介。小生趙公子。父為一品之官。家有百萬之富。讀書湖上。偶遇仙姬。莫非夙世姻親。望乞片時歡聚。

已往支香。看你丰姿嬌俊。念我無聊納悶。柳隄邊

忽見芳容。頓使我神魂不定。小娘須聽。行權與你做

晉秦。况此奇逢。乍相逢天定婚。小娘願垂嬌慙。敢忘

大恩。裴航奇遇。今朝效顰。百年琴瑟。今朝定。這段姻緣。天作成。

妹怒介。這狂徒好無禮也。趙覲譚介。梅罵譚介。妹

前腔。時遭顛躑。停舟孤另。忽然間遇着狂徒。平白

地將人凌併。芳名梅花雪壓香。更清蟾蜍被掩光。自

明。這狂徒快走。趙罵便憑小娘罵。聞伊言心自驚。我

良家處女。清白家風。豈是路柳。我冰清玉潔。堅貞自

凜。你邪思妄想。人面獸心。休將九烈三貞女。錯認作

桑間濮上人。

趙戲逼介妹慌。急介你若近前。我即投湖而死。那時哥哥與你。決不干休。永院急上。永問妹介。這是何人。妹不知何處狂徒。驀地上船。十分無禮。院打趙介。永這是狂徒。不須與他計較。推他上岸。開船便了。院推介。

院無端賊子太橫行。

妹非禮侵人幾喪心。

永得放手時須放手。

合得饒人處且饒人。

趙吊場介。吓。我道是誰。元來是王稅司。我想此人府尹是吾年伯。不免寫封書去出首。害了他性命。却不不是好。且住。那許年伯是個仁慈長者。恐不肯害人性命。不免一邊首明上司。一邊具稟到府。兩處夾攻。怕他不死。好計好計。正是計就月中擒玉兔。謀成日裡捉金烏。下。

公庭鞫認分第十三

外冠帶執事隨上

西地錦 聲蜚五馬臨安郡。何慚黃郭威名。口碑四野頌棠陰。且喜民康物盛。

國泰天心順。官清民自安。明良喜起日。莫作等閑看。下官許自新。臨川人也。職授臨安府尹。自蒞任

已來喜得物阜年豐。民歌鼓腹。今乃放告日期。放投文的進來。吟喝介投文人進。雜扮院子投書介。趙尚書府中。小主趙生員。有稟帖投上老爺。許看介。元來是趙年侄的書。辱承老年伯。推先父之愛屋烏培植。感不去心。所有切隣王某。職司稅務。私用官錢。恣取肥家。國課乾沒。此係錢糧重情。恐後事發。罪坐兩隣。今不首舉。噬臍何及。端此布告。伏惟台炤不宣。我曉得了。外邊伺候。雜叩首應下。許噴。元來王稅司。私用稅錢。係監守自盜。律該處斬。待勘問明白。然後定罪。左右拿王稅司。立刻到府。鞫審無違。雜應下。永上

北四邊靜

急煎煎離家來至。方纔有人說心驚意

駭。舉步難移。這事蹺蹊。

我想起來這禍事深無底。差上老爺

叫你立刻要審

快走快走。永。煞甚猜疑。情難料理。呀莫不是走露

了那樁私事。

差稟老爺。王稅司拏到。許王稅司。你可知罪麼。永卑職不知罪。許本府聞得你監守自盜。私用稅錢。可是有的麼。永沒有見証。許現有趙生員出首你。

永呀。這是冤業到了。

耍孩兒

前生冤業今遭際。禍起南屏泊柳堤。那日卑職

與妹子。泛舟湖上。舟泊南屏。卑職上崖訪。將身跳入
客。不料有趙公子突至。他見舟中無人呵。將身跳入
孤舟內。狠心督地生奸計。無法無天把女眷欺。百般
言語相調戲。那時卑職。偶然撞到。一時間將他叱退。他便公挾
讐私。

許我不問你公挾私讐。單問你私用稅錢。可是實
的麼。永

二煞

大丈夫男兒氣。事到公庭怎敢欺。自身自作
心無愧。官錢私用非虛事。雪化終須要見屍。許怒介

真了。朝廷委你稅務。有何虧你。你只
顧肥家利己。全不想國法無情麼。永我用官錢不為
圖家計。許你不圖家計。却也只為眾生苦惱。一念慈

許我且問你。既盜用稅錢。慈悲個甚麼。永咳。大人
我所用稅錢。盡行放生。凡遇生靈。必然買放。

三煞

我放生靈百萬餘。把家私盡數賠。行權暫用
朝廷稅。許你把錢糧用
過多少了。永筭來也有三千貫。也只為一

念慈悲任意為。許這是朝廷國課。
該處斬了。永料來一歎難逃避
一心替眾生活命。便斬首何辭。

許那鱗甲羽毛。這是天生的異類。原是生來與人
喫的。你何苦捨命。定要救他。永仰天咲介咳大人。
你不知那鱗甲羽毛諸品類。眾生與我心無二。只

爲當初錯用心。致使今生頭角異。水中遊。林裡戲。
何忍將來充日計。須臾活捉在刀砧。口不能言眼
還覷。或槌搯。或刀刺。牽入滾湯深。可畏推毛拔羽。
刮皮鱗。剖腹剜心。猶吐氣。美君喉。誇好味。勸子勸
妻同噉嗜。只知恣性縱無明。不懼陰司毫髮記。命
纔終。冤業至。面對閻王爭敢諱。從頭一一報無差。
那時節。呵。爐炭鑊湯何處避。

四煞

痛諸人。苦自迷。任無明。縱性爲。殺生害命全

不懼。殺他一命還一命。古往今來放過誰。冤冤相報

何時已。

今生或遭殺劫。或大命而亡。皆因前世殺業太多。故有此報。

勸諸賢。今生

戒殺。那

一世長壽何疑。

許聽你說來。果然言言實義。句句真情。但稅務錢糧。係朝廷重犯。難以救你。如何是好。內扮投公文上。按院有公文一角。投上老爺。許看介。爲欽奉聖旨事。稅司王某。盜用稅錢。依律擬斬。決不待時。明日午時。斬首衆安橋。示衆。卽着本府官監斬無違。事完繳呀。賢契不好了。那趙公子先各上司首告。朝廷已知。按院奉旨。行文下來。明日將你處斬。如何是好。永大人不須憂慮。以卑職一人之命。活數百萬生靈之命。含笑入九泉矣。何懼之有。

煞尾 打開生歿門。跳出紅塵外。一身清淨西歸去。
生靈生靈願將此功德呵。速到西方上品會。
押下

許難得難得分付地方。打點法場。不得違悞。左右
應介。許正是閻王註定三更歿。定不留人到四更。

腸斷聞音分第十四 妹上

夜行船 昨日匆匆離別去。到今朝未見兄歸。窗外
鴉鳴。心中縈繫。凶吉未知何事。

公庭一去杳無音。骨肉同胞繫念深。恰似和針吞
却線。刺人腸肚繫人心。昨日哥哥被府中喚去。未
知消息。到今日尚未回家。好生牽掛人也。早晨着
院子打聽消息。怎麼還不見到來。院急上

不是路 急報因由。兩脚如飛汗雨流。呀。小姐不好

院事堪憂。那趙公挾恨分明捏報讐。把書投臨安府
他首甚的院裡親出首。他首甚的院私用官錢把國課偷。那太

深追究。公庭鞫審多時候。那太爺到有憐憫之心。不
處斬院哭介今朝梟首。今朝梟首。料按院行文下來。要依律
老爺呵。在

妹哭介 阿呀哥哥。

前調 驟聽添憂。禍到如山不自由。淚雙流。平白身

家一旦休。哥哥早知如此悔不當初禍臨頭。霎時變起如何救。控
訴無門怨氣浮。哭介院小休儻懣。那老爺在親人

眼望多時候。你小姐。快須急走。快須急走。

事不宜遲。快到法場相會一面。若再耽閣。永不相

見矣。妹。我襪小鞋弓。這苦幾曾經慣。

香柳涼。喘吁吁氣衰。喘吁吁氣衰。舉步難抬。作跌

院作扶介。小姐你莫非跌壞那裡。妹我。金蓮踢損無如奈。合。淚悽惶滿

腮。淚悽惶滿腮。恨殺那喬才。平白將人害。禍從天降

來。禍從天降來。若要重回。今生難再。

院。小姐。可快行幾步同。

前腔。過長街短街。過長街短街。休得徘徊。法場重

難擔待。好傷心痛哀。好傷心痛哀。這苦實難捱。妹

同胞永割愛。合。禍從天降來。禍從天降來。若要重回。

今生難再。

院。無端衰禍一時侵。妹。痛殺分離手足情

合。當權孰肯行方便。提出天羅地網人

仁賢臨難分第十五。小旦扮觀音大士上

聲聲慢。法力圓通。慈悲普度。大千沙界廣無邊。到

處聞聲救苦。

自家觀音大士便是。今有永明禪師。為法忘軀。身

臨王難。想他修行時節已到。不免將我普門品中。

金剛三昧。示現法場。教他脫離苦海。剃度修行。亦

是權巧方便。正是從今伸出擎雲手。救取蓮宗會

裡人。下永花挪丑副扮劊子押上。

園林好。我臨刑身心泰然。拚一死甘心九泉。也只

為廣行方便。原不敢負龍天。原不敢負龍天。

來此想是眾安橋。壓劊正是法場。止了本府太爺。

尚未到來。且在此伺候。妹院上

前調

一路裡悽惶淚漣。戰驚驚魂飛九天。

院小姐前

是法場了。妹

到法場看看不遠。心好似熱油煎。好教我痛

難言。

妹院相見大哭介永妹子。你自宜珍重。再不要啼

哭我妹。

江兒水

一見肝腸裂。教人苦怎言。霎時觸起蕭牆

變

那賊子可

無端平白將人陷。連枝手足今朝斷。哭介似

夢裡相逢難見。撇得我舉目無人。更有誰人看管。

前調院

主僕情深重。相看苦萬千。這場冤業誰憐念

從今永訣難留戀。將身代死心情願。

小人情願將身替死。永這是我

自作自受。你怎生替得院哭介。教我含悲負怨。若要相逢。除是他生

再見。

永你二人呵。

玉交枝

不須悲怨。歎和生。分明在天。臨刑何必容

顏變須當効古聖先賢。你二人我死之後速修行及早莫遲延。西方與你重相見。妹院承囑付敢忘至言。痛手足何時再見。

內吟唱。勸催趕介。太爺到了。快走快走。妹院哭介。

川撥棹。難留戀。妹兄情從此斷。霎時兒身喪黃泉。

霎時兒身喪黃泉。料今生無由再圓。念音容魂夢牽。

脫紅塵証寶蓮。

結尾。妹院臨行拜別肝腸斷。永你不必悲啼兩淚漣。

妹院多應是前生緣分淺。

院妹下許執事上。

西地錦

森嚴王法果無情。立見魂消幻影。

王稅司非是我不救你。奈國課重情。朝廷主意。況期限逼迫。難以申救。今日之事。我也不忍。永深蒙大人垂念。足感高情。大丈夫視死如歸。曾不動念。正是生歿本來空。臨刑一咲終。將頭臨白刃。一任斬春風。許咳果然難得。勸稟老爺。午時三刻到了。許既是午時。起鼓開刀。內搗鼓介。觀音立雲端。雜扮金剛神。遶場介。鼓絕行斬。刀作三段介。勸稟介。呀。老爺不好了。分明是個妖怪。一刀砍去。火光直冒。刀折三段。許有這等異事。待我看來。呀。果然三

段。

撲燈蛾

今朝事太奇。今朝事太奇。五彩祥雲聚。仔

細翹瞻望。

衆那空中可不是

分明菩薩臨凡也。都至

心頂禮。慈悲廣大果非虛。一霎時把人救濟。快鬆伊

從今釋放他歸去。

許左右把挪鬆了。果然人有善願。天必從之。王稅

司。你不須憂慮。待我一邊申明上司。一邊連夜造

本。明日早朝。面奏殿下。盡情保奏。必蒙蠲釋。今日

且到衙中歇息。候旨便了。永多謝大人厚恩。

詠臨刑自分喪黃泉

許視歎如歸不變顏

團摧折剛刀非是偶

團敢將善事奏金鑾

恩沾蠲釋分第十六

未扮黃門官上

寶鼎香浮瑞藹濃。珮環聲振未央鐘。太平天子朝

元日。五色雲車駕六龍。自家黃門官便是。今日早

朝恐有百官奏事。只得在此伺候。許上。

點絳脣

絳闕丹霄。瑞烟籠罩。吳山曉。玉壺仙島。此地

地差多少。

不寢因封奏。奇緣啓聖明。願開湯主網。人被好生

恩。下官連夜造本。保奏王稅司。今已到午門外廂。

不免進去。黃來者何官。丹墀俯伏。許臣乃臨安府

尹。有本達上黃有何文表。就此披宣許。

駐雲飛 恭對丹墀。伏為江干一稅司。私用朝廷稅。

蒙旨批該歿。嗟王法豈容私。官街梟示。不料當場忽。

有驚人。事黃有何奇事許感得觀音菩薩現身所斬剛刀折為三段摧折剛刀眾

所知。黃此人德行何如許。

前調 德厚心慈。所用官錢不為私。將來盡布施贖。

放生靈歿。嗟黃臨刑之際顏色變否許臨歿不躊躇。容顏無異視。

歿如歸。濟物心無二。舍已忘生世所希。

黃本上趙龍挺身出首為公為私。一併陳奏許。係趙尚書之子生員趙龍特榜

前調 趙姓庸儒。亦是當今執袴兒。係趙尚書之子生員趙龍特榜

他首舉。豈料皇天善惡難欺昧。特此陳情候旨施。

黃元來如此待我與你轉達天聽。可在午門外候

旨。正是眼望旌捷旗。耳聽好消息。虛下許。

神仗兒振衣肅起。振衣肅起。把威儀暫霽。伏愿重瞳

看已。忽爾天顏變喜。頃刻裡耑聽耳邊消息。王稅司呵生

和歿在須臾。生和歿在須臾。

黃捧旨上聖旨到跪聽宣讀。詔曰。至德之美莫大

好生。聖人之心無非愛物。朕以涼德撫鎮一方。保

育綏和。實慚厥命。今聞鎮將王某放生一事。體朕

好生之心。爲國造綿長之福。符先帝之夢。愜盛德之風。大快朕心。所用官錢。盡行蠲免。所犯罪由。悉皆赦宥。查得首人趙龍。首舉雖真。積惡已久。謀兄佔產。奸嫂滅倫。大惡元兇。難逃法網。着撫按官斬首示衆。以警奸惡。無違。欽哉。謝恩。許千歲。千歲。黃適符先帝之夢。龍顏大悅。

滴溜子 今日裡。今日裡。夢符聖瑞。聞卿奏。聞卿奏。主心大喜。合頃刻頓蒙恩赦。善惡報無差。害人自斃。須信人生。方便第一。

許一封朝奏九重天

黃契合天心幸保全

今日得蒙恩赦後

猶如缺月再重圓

割恩雲水分第十七

妹驀地遭顛釁。孤危悶轉增。**院**一從寥落後。相對淚沾巾。**妹**院子。我聞得老爺臨斬不變。刀折三段。因此釋放。此事真否。**院**小人也聞得這般說。今在太爺衙署中。正欲稟知小姐。同去相見。**妹**若果如此。謝天謝地。就此前去便了。**妹**

勝如花 身如絮。魂亂飛。爲甚身臨鬧市。也只爲驟雨狂風。頓教人流離顛沛。漫自揮粉顏珠淚。合想昨朝歛生別離。又誰知相逢有期。缺月重輝。似枯枝再

歸元錄 卷上 巽
蕊說不盡許多心事。最傷心拆散東西。

院來此已是衙署了。待我問一聲。裡邊有人麼。
內尋那一位。院尋稅司王爺。
內王爺有請。
永上
前調 危如露。得放回。
妹院 不道今生重會。
永 只因我禍患臨頭。連累你孤身無倚。何日遂同胞恩義。
合想昨朝歿生別離。又誰知相逢有期。缺月重輝。似枯枝再蕊。說不盡許多心事。最傷心拆散東西。

雜扮承直持笏隨許上

掛真兒 奏罷歸來添喜氣。感聖恩。蠲赦無餘。

永恩相回來了。許來了。揖介。這是何人。
永是吾幼妹。許好。貞靜幽閑。洵乃閨中之秀。恭喜了。朝廷聞

奏。主心大悅。所用官錢。悉皆蠲免。所犯罪名。盡行赦宥。如今一些沒事了。
永天長地久。此德難酬。石爛江枯。大恩不泯。卑職有一拜。
拜介

鶯翻玉肚。
黃鶯 大德與天齊。感恩私淚兩頤。皆前叩

首深深謝。
玉胞 念弘恩圖報何年。感重生刀下微軀。

合從來陰德報非虛。福祉綿綿無絕期。

卑職有一言。稟上恩相。念某刀下餘生。無心戀世。到頭一劫。難免無常。因此決意修行。深山辦道。所有幼妹。孤立無依。望恩相再憐。收為義女。此僕亦

送於門下。聊充執鞭。未知尊意若何。許老夫亦不
久辭職還鄉。年老無人。此事甚好。只恐有幸重托。

〔永〕妹子過來。拜了恩相者。妹拜介

〔催拍〕念奴家弱質蒲軀。未全知溫清禮儀。望乞垂

慈望。乞垂慈哭介。纔得團圓。却又別離。怎不教人。珠

淚雙垂。合從今去世外修持。相憶處。夢魂飛。

〔永〕院子過來。叩見了新主。院叩介

〔前調〕愧長鬚無知蠢軀。念駕駘怎能疾馳。感得提

携。感得提携。阿呀。恩主。撫育情深。一旦睽違。破鏡難

圓。何年再輝。合從今去世外修持。相憶處。夢魂飛。

〔前調〕你一人不必悲啼。料團圓終須有期。今當暫

離。今當暫離。出世高風。回首雲泥。他日成功。必証菩

提。合從今去。世外修持。相憶處。夢魂飛。

〔永〕卑職就此告別也。許尊意已決。難以強留。

一撮棹。難留住。不覺意凄其。妹親手足。頃刻即生

離。院西風裡。相對處。淚沾衣。合難分首。腸斷夕陽西。

若要重相見。除非魂夢裡。從今望天外。草萋萋。

〔許〕兄妹本聯芳。妹生離欲斷腸

〔永〕從今分首去。合各自躲無常

千里瞻風分第十八。副淨扮翠巖禪師大咲

大千沙界浩茫茫。一咲收來個裡藏。若使凡情消
息盡。不修聖諦也無妨。自家翠巖禪師便是。今日
有一肉身菩薩。投俺出家。不免就此降伏其心。引
皈三寶。有何不可。正是因緣時節到。果熟自然成。
虛下永道服上

一江風 別家鄉。回首烟雲障。野鶴閑雲曠。這風光。
不似當初。那顛沛愁心狀。疎林列幾行。疎林列幾行。
雲山路渺茫。訪明師特叩瞻方丈。

聞得翠巖禪師。門風陡峻。因此越江而來。求他剃
度。迤邐行來。此間已是。呀。你看山扉緊閉。不免試

叩者叩門。介翠巖將開主杖。指引路迷人作開門

相見介。原來是位居士。居士高姓大名。仙鄉何處。

永大師聽稟。

鎖南枝

臨安郡。棲幻身。姓王某甲。是法名。鎮將任

華亭。錢塘權稅印。

翠爲何到此

離火宅。求出塵。特特訪明

師。望乞垂憐憫。翠

前調

深山院。木石鄰。

我出家人。黃蘗度日。破衲遮形。若非運水搬柴。定是墾田

掘地。破衲鶉衣。聊蔽形。淡飯過平生。頭陀行苦行。你宦
族子。怎受得這苦辛。我這佛法門中。戒律甚森嚴。不敢相應

允。

永弟子身雖遊宦。志尚清脩。因用國課放生。遂乃
 當場處斬。幸蒙佛佑。得荷再生。從今克念脩持。決
 欲脫離苦海。凡有戒律。永悉遵依。若有虛言。泥犁
 甘受。翠觀汝出言真實。立志堅剛。決非泛泛之徒。
 堪作吾門種草。我與你剃度便了。永喜拜介。

金衣罩皂袍。千里特相親。感吾師救拔深。慈悲普
 濟心不吝。從今出塵。脫離火坑。千生流浪。今審定。
 三皈五戒。你堅持勿輕。六度萬行。隨緣漸增。你脩行
 晝夜須精進。

永吾師尊誨。安敢有違。不知有何法門。頓能斷除
 生歎。翠若欲勦絕無常。必須見性成佛。此是最上
 一乘。不可多得。還有一個法門。名為一行三昧。但

念阿彌陀佛。此名徑路修行。若能一心。即生淨土。
 皂袍裹金衣。堪羨西方殊勝。那彌陀悲願。接引迷

情。琉璃地上。絕纖塵。蓮臺九品。真清淨。若能持念。皆
 獲往生。因緣福報。殊非小乘。與諸尊菩薩常親近。
 感師尊慈航普濟。導我出迷津。

翠我有警僧銘一篇。當為汝說。汝須諦聽。永弟子
 願樂欲聞。翠凡一披緇。便非庸類。豈可泛常。僅同
 俗輩。立志立心。宜勇宜銳。處眾處獨。宜韜宜晦。若

啞若聾。如癡如醉。埋光埋名。養智養慧。隨動隨靜。忘外忘內。離聖離凡。拔羣拔萃。一粥一飯。信施信。餽飽享飽。食須慚。須愧。勿效庸僧。成羣逐隊。說李說張。雜癡雜穢。爭是爭非。誇能誇會。本性本真。盡盲盡昧。凡戒凡律。或犯或背。虛朝虛暮。喪月喪歲。可悲可憐。必沉必墜。常警常醒。滅殃滅罪。永弟子。謹當如教修持。翠觀汝因緣。不在此地。在於天台。韶國師會下。發明心要。汝與杭州錢王。大有宿緣。不日于永明禪刹。弘通佛法。切記吾囑。待明日五鼓。與汝剃度下山便了。永多謝吾師救拔

翠

修行弘道有因緣

永度我離凡豈偶然

若得發明心要後

永方知淨土即西禪

指迷護法分第十九

淨扮高麗王眾將隨上

菊花新

威雄海外列天驕。風物依稀似漢朝。地勢

接金遼。且喜邦稱有道。

地佔東南王氣浮。汪洋遙接海天秋。山河表裏金湯固。統領東南二百州。自家高麗國王。便是身居夷長。位列人王。雖非中國元君。實乃東方首國。自從歸順中華。至今河清海晏。好徼天福庇也。目今時值秋高。朝廷無事。不免出城打圍一番。多少是

好。眾將官。就此起兵前去。眾起兵介高

普天樂

塞雲迷。邊風勁。振軍威。惟吾令。風塵起。風

塵起。萬馬奔騰。氣赳赳。海嶽平吞。

眾合

呀。聽金鳴鼓

振。旗旛耀日明。喜孜孜。馬前架着架着。走狗飛鷹。

北朝天子

亂紛紛。出城到山場野村。散開韁。四下

都圍定。

眾喊介

山崩海沸。似雷轟。喊聲布鐵網。迷魂陣

馬隊兒緊跟。步卒兒齊奔。找尋找尋。找尋。畧遲延

身干軍令。身干軍令。望深林。須前進。望深林。須前進。

高來到什麼地面了。眾前面是天山了。高我想此

天山。當日薛仁貴三箭成功。不料回朝。被奸臣嫉

普天樂

弔英雄。真堪敬。逞雄威。把天山定。奸臣妬

奸臣妬。埋沒功勳。好教人恨滿胸襟。

眾合

呀。聽金鳴

鼓振。旗幡耀日明。喜孜孜。馬前架着架着。走狗飛鷹。

北朝天子

馬蹄兒疾似雲。鷹犬兒眼更清。山禽野

獸難逃命。東飛西走。盡魂消膽驚。有窩巢難投奔。狼

搜尋不停。徧馳驅遶林。小心小心。小心小心。用心勤賞

功不吝。賞功不吝。急班師。休違令。急班師。休違令。

末扮瘋魔僧上。眾稟大王。前面有瘋僧擋路。瘋相

見作瘋介。高你那瘋僧。從何而來。瘋從靈山而來。

高來此何幹。瘋俺特來見你。高見我寡人。有何話說。瘋咲介得好休時正好休。如何忘却舊根由。傷生害命因何事。莫待沉淪不出頭。好快活也。好快活也。你不記得身攪殘疾。到我廬山與你師兄同時發愿。愿為人王。護持佛法。如今你師兄在杭州。弘通禪土。廣化衆生。汝今不去護法。反在此傷生害物。又大咲介。只恐你一失人身。萬劫難復。可不枉了你累世修持也。高冷咲介。一派瘋顛之言。全無實據。寡人幼育深宮。長登王位。並不曾發什麼愿。這一派浮談。從何而至。瘋料你也忘了。前面有

一池清水。請大王一照。高同衆照水介。瘋權將三

昧水。照出昔時因。下。高照水大驚介。方纔那顛師

何在。衆一霎時不見了。高是我聖師到此。望空拜

介

滴溜子

愧微軀。愧微軀。多生迷謬。感吾師。感吾師。

靈山來到。使我清流鑑照。方識舊根苗。因緣非小。速速差官。護法南朝。

衆適纔臨水。見大王圓頂方袍。是一僧相。高這是

我往昔夙因。汝輩怎曉。我平日曾聞杭州。有壽禪

師。萬善莊嚴。化行海外。真乃大善知識。不免就差

行人官。賫紫金鉢盂一圓。七寶番錦袈裟一襲。紫晶念珠一串。黃金千兩。到杭州地面。造一大寺。供養禪師。俺這裡就傳位太子。修行去也。眾將官把圍場中所獲生靈盡行釋放。就此班師。眾應放介。

金錢花

班師就此回朝。回朝。靈山到此途遙。途遙。從今識得舊靈苗。傳寶位。與兒曹。遙護法。肯辭勞。下

拈闌灌露分第二十

卜算子永已事發明來。迸斷黃金索。業識從來認主翁。此際難撈摸。

某甲自別吾師。果到天台。發明心地。至今隨緣任

運。但我初念。本欲萬善莊嚴。引通淨土。使上根菩

薩禪士兼修。淺智凡夫。單修安養。俾人人成佛。個

個無生。豈不美哉。但未知機緣若何。不免拈作二

闌。卜問如來。以便弘法者。咳。如來如來拜跪

金索掛梧桐

我卜問再推求。七次重稽首。只為修

行。岐路難成就。悲心願未酬。謾殷憂。欲覓個醫方作

渡舟。這是禪定一闌。這禪宗淨土交相扣。恭對如來

作二闌。拜深深叩。望分明指示莫夷猶。好教我一意

專脩。水乳相投。密仗蒼穹佑。

取闌看介呀。元來又是莊嚴淨土一闌。我這卜問

是第七次了。仍舊如前。從今已後。萬善齊修。一心淨土便了。如今且喜身心安樂。不免跌坐。入定片時。永跌坐介。先善財演接引勢。次出觀音龍女持淨瓶隨上。

步逍遙。茫茫苦海施無畏。慈忍成三昧。凡夫受盡虧。只為無明。妄受無邊罪。我隨地發慈悲。消他業障增他慧。

來此已是壽禪師方丈。我觀此人。曾供養百千諸佛。今乃代佛宣化。廣度衆生。不久功圓。成等正覺。但他世智凡心。未得辯才三昧。不免將我甘露水。灌入他口。助彼辯才。庶可發明禪土。著述大乘。以流通後世。轉身介善男子。汝莊嚴淨土。與彌陀同一悲願。普利羣生。功德無量。我今特來灌汝甘露。令汝獲大辯才。說法無畏者。

六犯清音梁州序

此甘露呵。從前脩証百千三昧。成此

醍醐上味。諸天妙供。安能彷彿些須。作灌露介。此程

枝香。甘馥通靈胃。清涼沁入脾。排歌諸根淨。萬法齊。

咲談喜怒盡珠璣。自念已後解三醒。言言著述皆玄妙。法

法圓通世所希。皂羅袍廣開方便。悲愍衆愚。弘通淨土。休換別題。一葦苦海頻施濟。善男子。可密自護持。莫教退失。黃鶯

見意休疲。待功成行滿。指日証菩提。

聊將甘露圓通水。成就莊嚴淨土人。下永驚起介
呀。方纔定中。分明見普門大士。灌我甘露。至今五
內。好清涼也。

東甌令

脩禪定。見大悲。他灌我清涼甘露水。增吾

慧日消愆罪。

弟子有何德能。敢勞菩薩垂佑。

頓使我心增愧。

從今已後。日課

一百八事。以為助道因緣。工夫百八莫教虧。一意好西歸。

欲生淨土苦修行

萬善莊嚴助道因

莫把光陰閑喪却

光陰一寸值千金

開權顯實分第二十一

老旦扮內監上

五雲深鎖舊含元。仙掌芙蓉覆瑞烟。莫道深宮無

底事。一身常在至尊前。自家英御殿中。督工內監。

鄭勳便是我王爺。聞得永明禪師。萬善莊嚴專修

淨土。日課一百八事。夜間行道念佛。乃極口讚嘆

道。自古求西方。未有若此之專切者。因此發內帑

五千兩。建造香嚴寶殿。供養大師。令俺督工監造。

早已成就。今日奉旨。開堂說法。百官俱集。同往瞻

禮。約此間相會。想就到也。生外丑冠帶上

望遠行

生

沿湖取道。日透金光晃耀。

外

烟煖風輕。又是柳舒花咲。

丑休貪湖上風光。且叩禪門玄要。

合

難

得遇一時同到。

生下官京畿道劉遵便是。**外**下官府尹褚希賢便

是。**丑**下官鎮南將軍董彪便是。請裡面奉揖。眾作

禮介。**鄭**眾先兒纔來。俺們等候多時了。**眾**喜得一

時同到。可謂佛日增輝。**鄭**此去永明不遠。好一派

湖色。可去了與馬冠帶。沿湖適趣。尊意若何。**眾**鄭

老先所見極妙。眾換公服行介。**劉**褚

八聲甘州 遙瞻翠嶠。盼水光山色。觸處堪描。鄭這

峰塔了。雷峰蘸影。最喜夕陽斜照。鄭那一帶是三

嶂遠迷三竺寺。董好一帶六二水中分六畫橋。**合**清

閑境勝市朝。南屏堪羨。遠鐘敲。英雄輩。出世豪雲臺。

爭似釣臺高。鄭董

前腔 如梭歲月拋。嘆百年都被蠅蝸勞擾。少年豪

氣。到今日兩鬢蕭蕭。功名枉自窺蟻穴。世事渾如夢

鹿蕉。**合**歌織調舞細腰。五陵裘馬已寥寥。無常限。人

怎逃豪華千古伴蓬蒿。

一路清談。不覺已到。雜扮知客見介。大師正出陞

座。請各位老爺聽完了法。方丈相見便了。**眾**宿緣

有幸。來得恰好。內搗鼓長幡。副淨扮首座。末扮維

那旦扮侍者持杖隨。永上。永登座拈香。眾舉香讚

各官拜介

香讚

金爐烟裊。瑞靄氤氳。大千沙界悉蒙熏。寶蓋結祥雲。大眾咸臨。萬德盡圓成。

南無雲來集菩薩摩訶薩。三稱

〔永〕今日臨座。端為統轄江南四十州。錢王殿下。建

立香巖寶殿。供養老僧。因令登座說法。普利羣生。

〔丙〕鳴大鑼三下。首座唱云。法筵龍象眾。當觀第一

義。〔丙〕又鳴大鑼一下。〔永〕若論第一義。此時正好捲

席而散。直得老僧。口掛壁上。爭奈諸人不會。老僧

不惜口業。將絡葛藤。與大眾註破。此中第一義。本

來無實句。開口落二三。舉意千萬里。任運現騰騰。

咬嚼沒滋味。不許眾人知。只堪自默會。諸佛難把

捉。是個活閨候。此是立地成佛的門頭。非凡夫淺

智可到。所以古來悟去者固多。錯會者亦不少。若

非落于陰魔。便乃撥無因果。依舊打入骨董。流轉

三塗。雖是善因。反招惡果。不如把一句阿彌陀佛。

晝夜修持。如子憶母。若得一心不亂。管教七日成

功。老僧平日。有四個料揀。今日布施大眾。有禪有

淨土。猶如戴角虎。現世為人師。來生作佛祖。有禪

無淨土。十八九錯路。陰境忽現前。瞥爾隨他去。無

禪有淨土。萬修萬人去。但得見彌陀。何愁不開悟。
 無禪無淨土。銅床併鐵柱。百劫與千生。沒個人依
 怙。須知念佛法門。如騎馬拄杖。把穩的生涯。大勢
 至菩薩。以念佛三昧。獲証圓通。我釋迦如來。說彌
 陀契經。專揚淨土。況一句阿彌陀佛。不論老幼男
 女。貴賤賢愚。皆可持念。若得念念不忘。自然打成
 一片。臨終正念。隨佛往生。正是彌陀一句實中權。
 普攝三根。處處圓。野色更無山隔斷。天光直與水
 相連。大眾齊聲念佛。眾合掌念佛。作禮介。內搗鼓
 鳴大鑼。送下鄭役。役浮生塵勞久蔽。何意垂老得
 聞至言。眾我輩若非夙緣。有慶幾虛度此生矣。眾

針線廂

嘆利名把人消耗。喜彼岸今朝忽到。聽言

言實義皆玄妙。頓覺恍開心竅。自今醒却黃梁覺。把
聲色豪華一筆消。修須早。莫教他閻老出帖相邀。

雜上

大師請眾位老爺。方丈敘茶。

結尾

劉 聆玄喜得飯西教

眾 又聞得禪師見召。幸面

對醫王問藥苗。

鄭

大師念佛復兼宗

劉

禪土都來一併融

褚

識得本來元不二

董

阿誰不在妙蓮中

總評

歸元錄 卷一
一方便分。是卷彌陀經。說到持名不亂。卽得往生。這個大方便。纔出得。未曾有人。天凡聖。安得不踴躍驚喜。此處是傳燈眼目。不可忽過。○神運殿。係廬山勝蹟。非如世劇。隨意捏造也。○結社分。未結社前。不知念佛。及大師出此方便。衆人方大驚喜。各各深信。果到西方。傳燈正脉。全在於此。○貪嗔癡睡。乃自心妄魔。非外魔也。輪迴六道。俱此輩造成。一離此魔。卽入聖位。此分語意極醒豁。人迷。須當體認爲妙。○第八分。桓立入山。意欲邀師。助已謀篡。及見師顏。謀不敢發。足見大師慈威。懾奸處。○汰僧。是催人作祖的因地。正是因禍而得福。事不極不發也。如今人到極處。又不肯發出世大心。對此二僧。豈不愧歎。○受囑分。是永明高麗。最初往因。一發弘願。遂證祖果。一願護法。遂登王位。因果豈有忒哉。噫。今時留意。惟在妙年英俊輩。而誰知聖賢。及在老年殘疾之人。故知在心不在相也。今人何得以容貌取人乎。○驗夢分。是接下永明的肯綮。萬不可缺。○永明以國課放生時。已拚一歎。其主意全在。以我一人之命。活億萬生靈之

命。雖死亦快活。故當堂直認。臨斬顏色不變。意見之卓。真不可及。高登祖位。非此而何。○許自新。卽蓮大師前身。其勘問時。被永明一席話。撥動真如。從此而棄俗出家。累世來遂証雲棲之果。則人安可以小善因而忽之也哉。故永明雲棲。其修証行愿。若合一轍。○高麗王不得瘋僧一指。幾乎墮落。可見富貴迷人。一至于此。故修行。人。不願昇天。正慮此故。如今處富貴而迷却者。十之八九矣。○永明于智者巖。七度拈闍。得淨土。後于觀中。大士灌以甘露。遂獲辯才。作宗鏡錄百卷。萬善同歸集等。俱載于蓮宗祖傳。見者知之。○永明登座說法。說四料揀。主張淨土。壁立萬仞。直指還元。故曰開權顯實。此一分與佛說彌陀經。遠祖結蓮社。同一悲心。共一機用。內皆最上法乘。切莫當面放過。

異方便淨土傳燈歸元鏡三祖實錄卷之上 終

歸元錄

卷一

二十四

